

ՎԵՐԱՊԱՏՐԱՍՏՈՂ ԿԱԶՄԱԿԵՐՊՈՒԹՅՈՒՆ

**ՀՀ ԿԳՄՍՆ «ՄԱՐՏՈՒՆՈՒ Տ.ԱՔՐԱՀԱՄՅԱՆԻ ԱՆՎԱՆ ԱՎԱԳ
ԴՊՐՈՑ»ՊՈԱԿ**

ՀԵՐԹԱԿԱՆ ԱՏԵՍԱԿՈՐՄԱՆ ԵՆԹԱԿԱ ՈՒՍՈՒՑԻՉՆԵՐԻ
ՎԵՐԱՊԱՏՐԱՍՏՈՒԻՍ

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ **ՍՈՎՈՐՈՂՆԵՐԻ ՄՈՏ ՍՏԵՂԾԱԳՈՐԾԱԿԱՆ
ՈՒՆԱԿՈՒԹՅՈՒՆՆԵՐԻ ԶԱՐԳԱՑՈՒՄԸ « ԳԼԽԱԿՈՐ-
ԿՈՂՄՆԱԿԻ-ԹԱՔՆՎԱԾ ՊԱՏՄՈՒԹՅՈՒՆ» ՄԵԹՈԴԻ
ՄԻՋՈՑՈՎ**

ԱՆՑԿԱՑՄԱՆ ՎԱՅՐ՝ **ՄԱՐՏՈՒՆՈՒ Տ.ԱՔՐԱՀԱՄՅԱՆԻ
ԱՆՎԱՆ ԱՎԱԳ ԴՊՐՈՑ
ԱՇԽԱՏԱՆՔԻ ՂԵԿԱՎԱՐ՝ **ՀԱՍՄԻԿ ԲԵՅԲՈՒԹՅԱՆ****

ՈՒՍՈՒՑԻՉ՝ **ԱՆԱՀԻՏ ԲԱԴՈՅԱՆ**

ԴՊՐՈՑ՝ **«ՎԱՐԴԵՆԻԿԻ Ռ.ՀՈՎՀԱՆՆԻՍՅԱՆԻ
ԱՆՎԱՆ N1 ՀԻՄՆԱԿԱՆ ԴՊՐՈՑ»ՊՈԱԿ**

2022թ.

ՄԱՐՏՈՒՆԻ

ԲՈՎԱՆԴԱԿՈՒԹՅՈՒՆ

1.Ներածություն.....	3
2.Գրական ակնարկ.....	4
3.Փորձարարական հետազոտություն.....	6
3.1.Խմբի նկարագիր.....	6
3.2.Փորձարարական դասեր.....	7
3.2.1.Փորձարարական դաս-1.....	7
3.3.2.Փորձարարական դաս-2.....	10
4.Վերլուծություն.....	13
5.Գրականության ցանկ.....	14
6.Հավելվածներ	15
1.Դասապլան-1.....	15
2.Դասապլան-2.....	18

ՆԵՐԱԾՈՒԹՅՈՒՆ

«Կրթված միտքը ավելի շատ
հարցեր ունի քան պատասխաններ»
Յեյնս Զեյլեր

Առաջատար երկրների փորձը վկայում է բարձր գրագիտությամբ կրթված մասնագետի անհրաժեշտության մասին, որը կարող է գլուխ հանել ցանկացած իրավիճակից և ստեղծագործ մտածել: Յետևաբար, կրթական գործընթացում ուշադրություն է դարձվում ստեղծագործական մտածելակերպ ունեցող անհատների պատրաստմանը: Յետագոտությունը, որը նայում է ստեղծագործությանը անհատական տեսանկյունից, կենտրոնանում է սովորողի անհատականության, ստեղծագործական ունակությունների, կյանքի հմտությունների և մոտիվացիայի վրա: Երեխայի ստեղծագործական անհատականությունը սկսվում է մանկությունից և աստիճանաբար զարգանում է մեծանալուն զուգընթաց: Նա ենթարկվում է կյանքի տարբեր հանգամանքների ազդեցությանը և ձևավորում է իր « Ես »-ը: Սա նպաստում է նրա ստեղծագործական մտածողության զարգացմանը: Երեխայի ինտեգրումը ակտիվանում է նրա ստեղծագործականությամբ, որն էլ խթանում է նրա ստեղծագործական կարողությունների զարգացմանը:

Յադրողակցությունը երեխայի ակտիվության առաջին նշանն է: Երեխան զարգացնում է իր ամենակարևոր կողմերը տարբեր հարաբերությունների միջոցով: Երբ երեխան մեծանում է, նրա ճանաչողական գործունեությունը խորանում է: Նա սկսում է փնտրել հետևյալ հարցերի պատասխանները. «Ի՞նչ է սա: Ո՞վ է սա, Ի՞նչ է դա կոչվում»: Դպրոցում կրթությունը թույլ է տալիս ձևավորել և զարգացնել երեխայի ճանաչողական գործունեությունը: Երեխան որպես մարդ կարող է ստեղծագործորեն ձեռք բերել սոցիալական փորձ և ազատորեն մտնել սոցիալական հարաբերությունների համակարգ: Մարդը կարող է իրեն դրսևորել սոցիալական միջավայրում իր գործողությունների և հարաբերությունների արդյունքների միջոցով:

Մարդու ստեղծագործական մտածողության զարգացմանը նպաստում են նրա անձին բնորոշ գծերը: Աշակերտակենտրոն ուսուցման մեջ այս խնդիրը առաջնային նշանակություն ունի: Ուսուցիչը, տիրապետելով լեզվական հաղորդակցությանը, աշակերտի ստեղծագործական մտածողության զարգացման մեջ առաջին հերթին ուշադրություն է դարձնում նրա անձնային հատկանիշներին, գիտելիքների խորությանը, բուն ու արագ մտածողությանը, գաղափարների ներկայացմանը: Աշակերտակենտրոն ուսուցման ժամանակ հատուկ ուշադրություն է դարձվում աշակերտի՝ կյանքում իր տեղը փնտրելուն՝ բարելավելով նրա

մտածողությունը և գործողությունները, ինչպիսիք են խոսքը և բանականությունը: Դրա համար ուսուցիչը պետք է առաջին հերթին որոշի դասի նպատակը: Յուրաքանչյուր դասի համար կոնկրետ նպատակ դնելով և վերջնական արդյունքի հասնելու ուղիները հստակ սահմանելով՝ աշակերտը կկարողանա նաև որոշակի արդյունքի հասնել: Երբ ուսուցիչը ժամանակին նկատում է յուրաքանչյուր աշակերտի կարողությունները և կատարելագործում դրանք՝ ստեղծելով տարբեր իրավիճակներ, արդյունքն անմիջապես տեսանելի է: Ինչպես գիտենք, աշակերտակենտրոն ուսուցման հիմնական նպատակը աշակերտին ակտիվացնելն է: Գեղարվեստական ստեղծագործությունները նպաստում են աշակերտի ստեղծագործական մտածողության զարգացմանը: Ստեղծագործական միտք ունենալը չի նշանակում միշտ ներգրավվել կենտրոնացված ստեղծագործական կամ գեղարվեստական առաջադրանքի մեջ: Ստեղծագործող մարդիկ երևակայական են, հետաքրքրասեր և շատ ժամանակ են անցկացնում հանգստի մեջ՝ հանգիստ մտածելով իրենց հետաքրքրող թեմաների մասին և թույլ տալով, որ իրենց միտքը թափառի:

ԳՐԱԿԱՆՈՒԹՅԱՆ ԱԿՆԱՐԿ

Այս ուսումնասիրությունը նպատակ ունի ուսումնասիրել խոսքի և ստեղծագործական մտածողության կառուցվածքային հարաբերությունները և դրանց ազդեցությունը աշակերտի ակադեմիական առաջադիմության վրա: Ստեղծագործական մտածողության բարձր հմտություններ ունեցող աշակերտները լավ արդյունքներ են ցույց տալիս գիտելիքների յուրացման գործում: Ուստի որոշեցի դասավանդման ընթացքում սովորողների կարողությունները ստուգել՝ ստեղծագործական առաջադրանքներ տալով: Հետազոտության նպատակն էր հետևել սովորողների խոսքի հմտությունների զարգացմանը՝ օգտագործելով ստեղծագործական մտածողության զարգացմանն ուղղված մեթոդներ: Սովորողների ստեղծագործական կարողությունների զարգացմանն ուղղված առաջադրանքները չեն պահանջում սովորական մեխանիկական գործողություն, որն աշակերտները կատարում են ինքնաբերաբար: Այն պահանջում է գործողություն, որն իրականացվում է ստեղծագործական բարձր մակարդակով, և գործունեություն, որն առաջանում է ստեղծագործական մտածողության արդյունքում: Այն թույլ է տալիս աշակերտին ստեղծագործական մտածողության միջոցով ակտիվորեն մասնակցել լեզվական հաղորդակցությանը: Ստեղծագործական առաջադրանքները թույլ են տալիս

աշակերտներին ստեղծագործ մտածել, և զարգացնել իրենց մտքերը բանավոր և գրավոր խոսքում ազատ արտահայտելու կարողությունը:

Բլումի տաքսոնոմիան ներառում է ստեղծարարությունը որպես ճանաչողության ամենաբարձր մակարդակ՝ սահմանելով այն որպես «տարրերի միավորում՝ համահունչ կամ ֆունկցիոնալ ամբողջություն ձևավորելու համար. տարրերի վերակազմավորում նոր օրինաչափության կամ կառուցվածքի մեջ՝ գեներացնելու, պլանավորելու կամ արտադրելու միջոցով»: Այս հետազոտությունը ներառում է այնպիսի մեթոդներ, ինչպիսիք են դիտարկումը, հարցադրումը, դիսկուրսի վերլուծությունը և վերլուծական շարադրությունը:

Յետազոտական աշխատանքս իրականացնելու համար ընտրեցի «Գլխավոր-կողմնակի-թաքնված պատմություններ» մեթոդը. (<https://youtu.be/0jlaVug53Ko>) մտածողության գործընթացը ակնկալում է հեռանկար, բարդություն, կապեր, վերլուծություններ և հարցեր: Այս մեթոդը հնարավորություն է տալիս վերլուծելու իրադարձությունները և ավելի խորը ուսումնասիրելու պատմությունները, ինչի արդյունքում աշակերտը պետք է ցուցադրի խորաթափանցություն, բացահայտի լրացուցիչ տեսակետներ, կատարի հարցադրումներ:

Մեթոդի նպատակն է.

Բացահայտելու՝

- ❖ Ո՞րն է հիմնական կամ կենտրոնական պատմությունը:
- ❖ Ի՞նչ է տեղի ունենում պատմության կողքին:
- ❖ Ո՞րն է թաքնված պատմությունը, այսինքն՝ այն պատմությունը, որը կարող է տատանվել, անտեսվել կամ տեղի ունենալ մակերեսի տակ, որի մասին մենք սկզբում տեղյակ չենք:

Աշակերտները ամենայն մանրամասնությամբ ուսումնասիրելով նյութը կհասկանան, որ թաքնված պատմությունները հիմնավոր են և վեր են հանվում ապացույցներից:

3.Փորձարարական հետազոտություն

«Հետազոտել նշանակում է տեսնել այն ամենը, ինչ բոլորն են տեսել,
և մտածել այն, ինչը ոչ ոքի մտքով չի անցել»:
Ալբերտ Այնշտեյն-Ֆեյնման

3.1.Խմբի նկարագիրը

Ես իմ հետազոտական աշխատանքը անցկացրել եմ Գեղարքունիքի մարզի Վարդենիկի Ռ. Հովհաննիսյանի անվան N°1 հիմնական դպրոցի 8-րդ դասարանում:

Այս դասարանում սովորում են 25 աշակերտներ՝ 14 աղջիկ և 11 տղա, որոնք ունեն տարբեր առաջադիմություն և հմտություններ: Գրականություն անցնում են շաբաթական 3 ժամով և դասացուցակում այն տեղադրված է 5-րդ կամ 6-րդ ժամերին: Այս դասարանի աշակերտների մի մասը միջտ պատրաստված է գալիս դասի, մոտիվացված է, իսկ մյուս մասը դասին միայն ֆիզիկապես է ներկա, ինչը պատճառ դարձավ, որ ես իմ հետազոտական աշխատանքում կիրառեմ **«Գլխավոր-կողմնակի- թաքնված պատմություններ» մեթոդը**: Այս մեթոդը կկիրառեմ ամբողջ դասարանի համար, բայց հետազոտությունը կվերաբերվի միջին կարողությունների տեր 8 աշակերտների, վերոնշյալ մեթոդի օգնությամբ կգարգացնեմ նրանց ստեղծագործական ունակությունները:

Անցկացրել եմ 2 հետազոտական դասեր:

3.2.Փորձարարական դաս-1

Ուսումնասիրվող նյութը Սուրացանի «Հասարակաց որդեգիրը» պատմվածքն էր: Աշակերտները տանը ծանոթացել են թեմային: **(Հավելված, Դասապլան -1 /Էջ` 15)**

Դասը սկսեցի «Պրիզմա» մեթոդի կիրառմամբ: Աշակերտները հասարակություն բառով կազմեցին պրիզմա, պատասխանեցին՝ Հասարակության ի՞նչ շերտեր գիտեք: Ի՞նչ է նշանակում որդեգիր հարցերին:

Այնուհետև դասարանը բաժանեցի խմբերի՝ խմբում ընդգրկելով տարբեր կարողություններ ունեցող երեխաների: Ստեղծվեց հինգը խումբ: Խնդրեցի, որ ևս մեկ անգամ խմբով կարդան իրենց հանձնարարված հատվածը՝ ուշադրություն դարձնելով յուրաքանչյուր արտահայտությանը, մտքին:

Խմբերի ուսումնասիրած հատվածները.

1-ին—Սովորական օրերից մեկը Գուստավի արհեստանոցում

2-րդ—Գևորգի զգացումները Շառլոտայի հանդեպ




3-րդ—Սոմարյանցի տան խնջույքը

4-րդ—Գևորգի վստահությունը հասարակությանը

5-րդ—Հուսալքված պատանին

Ավարտից հետո թիմերը ներկայացրեցին իրենց աշխատանքները՝ իրենց ընթերցած հատվածի բովանդակությունը ներկայացնելով 5-ը նախադասություններով. ընթերցած հատվածը ինչի՞ մասին է, դրան զուգահեռ ի՞նչ է տեղի ունենում և ո՞րն է թաքնված պատմությունը, հեղինակն ի՞նչ է ցանկացել ասել այդ տողերով: Ունկնդիր յուրաքանչյուր թիմ իրավունք ուներ ներկայացնող թիմին տալու 1 հարց՝ տվյալ հատվածի մանրամասները բացահայտելու համար:

Ապա հարցադրումների միջոցով խորամուկս եղան պատմության մանրամասների մեջ. Ի՞նչ տեղի կունենար, եթե.... Ո՞րն է ստեղծագործության կարևոր միտքը, որը ակնառու չէ, բայց հանդիսանում է ստեղծագործության հիմնական առանցքը: Ի՞նչն է այստեղ գլխավորը, որին ուշադրություն չդարձրեցիք սկզբից: Մեթոդի արդյունավետ կիրառումը և աշակերտի ակտիվ, ստեղծագործ մտածողությունը խթանելու համար կազմեցինք m-աձև աղուսակ, որտեղ գրառեցինք մտքերը: Բուռն քննարկման արդյունքում ունեցանք հետևյալ պատկերը:

 <p>Գլխավոր- ն՝րն Է</p> <p>Կենտրոնական պատմությունը</p>	 <p>Կողմնակի- ի՛նչ Է տեղի ունենում այս պատմության կողքին</p>	 <p>Թաքնված-ն՝րն Է թաքնված պատմությունը</p>
<p>1-ին թիվ</p> <ul style="list-style-type: none"> Գևորգը օժտված էր, սակայն աջակից չունենալով աշխատում էր արհեստանոցում: <p>2-րդ թիվ</p> <ul style="list-style-type: none"> Գևորգը սիրահարված էր վարպետ Գուստավի դստերը՝ Շառլոտային: Այդ սերը անպատասխան էր: <p>3-րդ թիվ</p> <ul style="list-style-type: none"> Հասարակության ապահովված խավը իր հանգիստը վայելում է ճոխ գինարբուքներ կազմակերպելով: <p>4-րդ թիվ</p> <ul style="list-style-type: none"> Ըստ Գևորգի՝ ունևոր խավը վստահելի է, նրա խոսքը կշիռ ունի և կասկած տակ առնելը «մեղք» է: <p>5-րդ թիվ</p> <ul style="list-style-type: none"> Գլխավոր հերոսի ստեղծած «ոսկե դոյակը» փլվեց: Նա չկարողացավ այդ հարվածից հետո ուշքի գալ, ճիշտ որոշումներ կայացնել և շարունակել կյանքը: Այս պահվածքով ավելի վատացրեց մոր կյանքը: 	<p>1-ին թիվ</p> <ul style="list-style-type: none"> Գուստավի դուստրը աջակցում էր հորը՝ արհեստանոցի գործերը կարգավորելու հարցում: <p>2-րդ թիվ</p> <ul style="list-style-type: none"> Շառլոտան, ինչպես նաև Գուստավը, գնահատում էր լավ, նվիրված աշխատանքը և փոխադարձ վերաբերմունք էր ցույց տալիս, գնահատում էր աշխատասիրությունը: <p>3-րդ թիվ</p> <ul style="list-style-type: none"> Հարուստների խնջույքների ժամանակ խոսում են մշակութային անցուդարձից ի ցույց դնելով իրենց նվիրվածությունը արվեստին, սակայն իրականությունը այլ է: <p>4-րդ թիվ</p> <p>Գլխավոր հերոսը շրջահայց չէր և որոշումներ կայացնելիս շտապում էր:</p> <p>5-րդ թիվ</p> <p>Մայրը սկսեց նորից իրենց ընտանիքի հոգսը հոգալ:</p>	<p>1-ին թիվ</p> <ul style="list-style-type: none"> Շառլոտան, լինելով արհեստանոցի տիրոջ դուստրը, չէր մեծամտացել և աշխատողներին վերաբերվում էր ընկերաբար: <p>2-րդ թիվ</p> <ul style="list-style-type: none"> Որևէ մեկի նկատմամբ լավ վերաբերմունքը չպետք է վերագրել լուրջ զգացմունքների: <p>3-րդ թիվ</p> <ul style="list-style-type: none"> Նյութապես ապահովված մասան իրավունք է վերապահում իրեն տևորինելու ուրիշների ճակտագիրը: <p>4-րդ թիվ</p> <p>Անհրաժեշտ է՝ քեզ հետ կատարվածին դիտել կողքինի աչքերով, որպեսզի ճիշտ որոշումներ կայացնես:</p> <p>5-րդ թիվ</p> <p>Պայքարել... սա է կյանքում տեղ զբաղեցնելու միակ ուղին: Չհուսահատվել և չնկճվել, դժվարությունների և անհաջողությունների և անհաջողությունների հանդիպելիս խելամիտ որոշումներ կայացնել և առաջ շարժվել:</p>

Գնահատում- Աշակերտները գնահատվեցին ոչ ֆորմալ դիտարկումների հիման վրա: Թաքնված պատմությունը իր էությանը սպեկուլյատիվ է, քանի որ ստիպում է աշակերտին մտածել այն մասին, ինչը չի երևում: Ուշադրություն դարձրեցի՝ կարողանում են աշակերտները ճկուն մտածել հնարավոր թաքնված պատմությունների և ազդեցությունների մասին:

Գնահատմանը օգնեցին նաև հետևյալ հարցեր, որոնք դարձան քննարկման, ստեղծագործելու թեմա.

- ✓ Ներկայացրեք՝ ինչո՞ւ է ձեր ներկայացրած պատմությունը թաքնված:
- ✓ Հիմնական պատմության հետ կապելով բացատրեք այդ թաքնված դրդապատճառների ազդեցությունը հերոսի գործողությունների վրա:

Տնային աշխատանք՝ Գրել շարադրություն 15 նախադասությունների սահմանում «Իմ գործողությունները կախված են/ կախված չեն հասարակության կարծիքից» վերնագրով:


Անդրադարձ- կատարեցինք «Քառաբաժան» մեթոդով՝ ունենալով հետևյալ հարցերը.

Ի՞նչ եղավ:	Ի՞նչ էի մ տածում:
Ի՞նչ կուզեի, որ լիներ:	Ի՞նչն էր սխալ:

3.3.Փորձարարական դաս-2

«Գլխավոր-կողմնակի-թաքնված պատմություն» մեթոդը կիսուցի 5 դասաժամ անց՝ Շիրվանզադեի «Արտիստը» պատմվածքը ուսումնասիրելիս: **(Չավելված, Դասապլան -2 /Էջ՝ 18)**

Դասը սկսեցի «Մտագրոհ»- ով:



Բառերով կազմեցին սախադասություն և արեցին հետևություն, որ դասի կյուբում կհանդիպեն սման բառերի:

Դարձյալ աշակերտներին, ըստ տարբեր կարողությունների, բաժանեցի խմբերի, կյուբը բաժանեցի մասերի և տվեցի ուսումնասիրելու: Աշակերտները կատարեցին նույն աշխատանքները, ինչ Մուրացանի «Չասարակաց որդեգիրը» պատմվածքը ուսումնասիրելիս: Միայն թե այս անգամ խնդրեցի աշակերտներին՝ փոխելու այն կարևոր «ճակատագրական» պահերը, որոնց գոյությունը պատմվածքը տարել է Շիրվանզադեի ներկայացրած ուղիով:




1-ին—Շիրվանզադեի նոր հարևանները:

2-րդ—Լևոնի և մոր հարաբերությունները

3-րդ—Լևոնի պայքարը Իտալիա գնալու համար

4-րդ—Չիասթափություն

5-րդ—Չերոսի վախճանը:

 <p>Գլխավոր- ն՞րն է</p> <p>Կենտրոնական պատմությունը</p>	 <p>Կողմնակի- ի՞նչ է տեղի ունենում այս պատմության</p> <p>Կողքին</p>	 <p>Թաքնված- ն՞րն է թաքնված պատմությունը</p>
<p>1-ին թիվ</p> <ul style="list-style-type: none"> Շիրվանգադեին աքտրել էին: <p>2-րդ թիվ</p> <ul style="list-style-type: none"> Ալմաստը՝ Լեոնի մայրը, չէր ուզում, որ որդին հոր ճանապարհով գնա: <p>3-րդ թիվ</p> <ul style="list-style-type: none"> Գաղտնի գումար էր հավաքում՝ Բտալիա մեկնելու համար: <p>4-րդ թիվ</p> <ul style="list-style-type: none"> Լեոնի՝ 6-7 ամսվա աշխատանքի վարձը գողացել էին: <p>5-րդ թիվ</p> <ul style="list-style-type: none"> Իմանալով Լուիզայի և Կավալարոյի ամուսնության մասին իր ապրելը անիմաստ համարեց: 	<p>1-ին թիվ</p> <ul style="list-style-type: none"> Հեղինակը անընդհատ փոխում էր բնակարանը՝ ավելի էժան բակարան գտնելու նպատակով: <p>2-րդ թիվ</p> <ul style="list-style-type: none"> Լեոնը սիրում էր մորը, չէր ցանկանում նրան վշտացնել, բայց առանց թատրոնի չէր կարող: <p>3-րդ թիվ</p> <p>Լեոնը նավաստիների համար ելույթ ունենալով հմտացավ իր գործում և նոր գործեր սովորեց նվագել:</p> <p>4-րդ թիվ</p> <p>Հերոսը գումարը հավաքել էր Բտալիա գնալու, Լուիզային հանդիպելու համար:</p> <p>5-րդ թիվ</p> <p>Լեոնը երբևէ իր զգացմունքների մասին չէր ասել Լուիզային և միայնակ էր իր մտքերի, զգացմունքների հետ:</p>	<p>1-ին թիվ</p> <ul style="list-style-type: none"> Լինելով արվեստագետ՝ փորձում էր գտնել իրեն համապատասխան միջավայր: <p>2-րդ թիվ</p> <ul style="list-style-type: none"> Լեոնի սերը թատրոնի հանդեպ ժառանգական էր, իզուր չէր, որ նրան արտիստ էին ասում: <ul style="list-style-type: none"> 3-րդ թիվ Թատրոնի հանդեպ սերը ստիպեց Լեոնին սիրահարվելու արվեստը սիրող և արվեստին հետևող Լուիզային: <p>4-րդ թիվ</p> <p>Արվեստի հանդեպ սերը ստիպեց Լեոնին գնալ սիրած աղջկա Լուիզայի հետևից Բտալիա, մշակույթի կենտրոն:</p> <p>5-րդ թիվ</p> <p>Լեոնը թուլական էր, պայքարելու, բարձունքի հասնելու փոխարեն ընտրեց մահը:</p>

Իրենց թեմայի շուրջ խմբային աշխատանքի արդյունքում ստացանք հետևյալ պատկերը.

Պատմածքի ընթացքի փոփոխություն

- ✓ Եթե Շիրվանզադեին չաքսորեին Օդեսա, այս պատմության մասին չէինք իմանա:
- ✓ Եթե չորրորդ անգամ չփոխեր բնակարանը, չէր հանդիպի պատմվածքի հերոսներին:
- ✓ Եթե վարձակալները այդքան անմիջական և մտերմիկ չլիներին, չէինք իմանա Լևոնի մասին (յուրաքանչյուրը կապրեր իր կյանքով):
- ✓ Եթե Լևոնի հայրը զգոն լիներ, իր սիրահարվածության մասին չբարձրաձայներ, կամ չծեծեր ռեժիսորին, կամ չհարբեր, տղան անհայր չէր մեծանա և գուցե ուրիշ ճակատագիր կունենար:
- ✓ Եթե հոր այդօրինակ կյանքը չլիներ, Լևոնի մայրը դեմ չէր լինի տղայի՝ արվեստի աշխարհում ապրելուն և գուցե աջակցեր:
- ✓ Եթե մայրը դեմ չլիներ, Լևոնը հավաքած գումարը մոր մոտ կպահեր:
- ✓ Եթե Լևոնը գումար ունենար, լավ կրթություն կստանար և կգրավեր Լուիզայի սիրտը:
- ✓ Եթե Լևոնը կամքի ուժ ունենար, կաշխատեր, կրթություն կստանար, կդառնար ճանաչված մարդ:

Աշխատանքները կատարելու ընթացքում աշակերտները հետաքրքիր լուծումներ էին տալիս գործողությունների ընթացքին և կարողանում էին հիմնավորել:

Գնահատում-Փոխադարձ գնահատում(որ խումբն է հետաքրքիր ընթացք տվել պատմվածքին):

Տնային աշխատանք-Գրել նամակ տրված բովանդակությամբ

- նամակ Լևոնին (աշակերտի անունից)
- նամակ Լուիզային (աշակերտի անունից)
- .սիրած կնոջ նամակը Լևոնին
- նամակ.սիրո խոստովանություն

Անդրադարձը կատարում եմ ելքի քարտերով.

- Ի՞նչ նոր բան այսօր իմացաք:
- Ո՞ր տեղեկությունն էր ավելի հետաքրքիր:
- Ի՞նչն էր դժվար:
- Ի՞նչը խանգարեց աշխատանքին և ինչու՞:

4. Վերլուծություն

Մեթոդի արդյունավետությունը ստուգելու համար անցկացվեց 2 դաս: Առաջին դասին բացատրեցի աշակերտներին ակնկալիքներս: Իմ ուշադրության կենտրոնում եմ պահել հիմնականում միջին և ցածր առաջադիմություն ունեցող 8-ը աշակերտներին, որն էլ պատճառ հանդիսացավ նրանց ներգրավվածությանը դասապրոցեսին, ինչպես նաև նրանց հնարավորություն տրվեց ձեռք բերել ինքնուրույն աշխատելու հմտություն(ցածր կարողության տեր աշակերտներին նաև աշխատանք բառարանի հետ): Աշակերտները խոստովանեցին, որ բանավոր տրամադրված հետադարձ կապը ավելի արդյունավետ է:

Վերլուծելով հետազոտական դասերի արդյունքները, եկա այն եզրակացության, որ ստեղծագործական ունակություններ բարձրացումը պայմանավորված է հետևյալ գործոններով.

1.տարաբնույթ տարբերակված վարժությունների կատարում ցածր և միջին առաջադիմություն ունեցող աշակերտների համար

2.հարցադրումների և բանավեճի մեթոդների կիրառում դասաժամերին

3.գրավոր և բանավոր հետադարձ կապի տրամադրում

Իմ կարծիքով ես հասա վերջնարդյունքներին: Աշակերտները՝ չնայած սկզբնական պասիվության, կարողացան ստեղծագործական մոտեցում ցուցաբերել դասապրոցեսին, արդյունավետ բանավեճել միմյանց հետ՝ հարգելով և լսելով դիմացինի տեսակետը: Բոլորն, առանց բացառության, մասնակցեցին դասերին: Ազատ կարծիք հայտնելով աշակերտները ակամայից ստեղծագործական մոտեցում էին ցուցաբերում:

5.Գրականության ցանկ

<https://sportedu.am/wp-content/uploads>

<https://artrucharity.ru/hy/formy-organizacii-obucheniya-istoriya-razvitiya-osnovnyh-form.html>

ԴԱՎԻԹ ԳԱՍՊԱՐՅԱՆ, Գրականություն: 8-րդ դասարան, Երևան, Տիգրան Մեծ հրատարակչություն, 2012

<https://hy.warbletoncouncil.org/pensamiento-creativo-5948>

<https://www.postposmo.com/hy/pensamiento-creativo/>

<https://www.verywellmind.com/characteristics-of-creative-people-2795488>

ԱՆՍՏԻԿՆԻ ԲԱՆԻԴՅԱՆ

Հավելված

Դասապլան -1

Առարկա՝	գրականու թյուն	Ամսաթիվ	6/12/2022	Կիսամյակ	1-ին	Դասար ան	8
Թեմա՝	Մուրացան, «Հասարակաց որդեգիրը»						
Օգտագործվող նյութեր	Մուրացանի դիմանկար, դասագիրք, կավիճ, գրատախտակ, առաջադրանքների թերթիկներ, բնագիր						
Դասի նպատակը	<p>Առարկայական</p> <ol style="list-style-type: none"> Արտահայտիչ, վարժ կարդա տեքստը, պահպանի հայերենին հատուկ արտասանությունը, շեշտադրումը, արտահայտչականությունը: Ձևավորելի վերլուծելու և եզրահանգումներ անելու կարողություն՝ հիմնավորելով այն տեքստով Գնահատի ստեղծագործությունը որպես մարդու հույզերը և զգացումներն արտահայտելու միջոց: Համեմատի անցած ստեղծագործությունների հետ, նշելի նմանությունները և տարբերությունները: <p>Կարողություն</p> <ol style="list-style-type: none"> Գեղագիտական ճաշակի զարգացում: Երևակայության զարգացում: Դրսևորել պատկերավոր մտածողություն և երևակայություն: <p>Սովորողի դիրքորոշում</p> <p>Կարևորի մայրենի լեզվի դերը սեփական հույզերը, ապրումները, մտքերը գրագետ և շրջապատին հասկանալի ձևակերպելու գործում</p>						
Ուսուցանման արդյունքներ, որոնք կփաստեն, որ ուսուցումը տեղի ունեցավ							
Վերջնարդյունքները	<p>Աշակերտը կկարողանա</p> <ol style="list-style-type: none"> Արտահայտիչ, վարժ կարդալ արձակ ստեղծագործությունը՝ պահպանելով հայերենին հատուկ արտասանությունը, շեշտադրումը, արտահայտչականությունը դուրս գրել պատկեր, զգացողություն նշող բառերը և բառակապակցությունները. աշխատել բառարանով Նյութի բովանդակությունը ներկայացնել ստեղծագործաբար մեկնաբանել, հայտնել սեփական կարծիքը ստեղծագործական աշխատանք կատարել տեքստի շուրջ 						
Գործողություններ (Ժամ/տևողություն)	Ուսումնական գործունեություն	Ուսումնական գործունեություն	Հարցադրումներ	Կիրառվող մեթոդ(ներ)			

	<i>Աշակերտներ</i>	<i>Ուսուցիչ</i>		
ՆԱԽԱՊԱՏՐԱՍՏԱԿԱՆ ՓՈՒԼ 3րդ պե (մուտք, ներկա-բացակա) ԽԹԱՆՄԱՆ ՓՈՒԼ 7-րդ պե	<p>Ծանոթանում են դասի թեմային և նպատակներին</p> <p>Հասարակություն բառին առնչվող բառեր են ասում՝ կազմելով պրիզմա:</p> <p>Աշակերտները խմբեր են կազմում՝</p>	<p>Հանձնարարում է Հասարակություն բառով կազմել պրիզմա:</p> <p>Առանձին թերթերի վրա գծում է 3 մասունեցող աղյուսակ: Առաջին սյունակում գրում է Գլխավոր պատմություն, երկրորդում՝ կողմնակի պատմություն, իսկ երրորդ սյունակում՝ թաքնված պատմություն:</p>	<p>Հասարակության ի՞նչ շերտեր գիտեք: Ի՞նչ է նշանակում որդեգիր :</p>	<p>Կիրառվում է ԽԻԿ համակարգը</p> <p>«Պրիզմա»</p> <p>«Գլխավոր-կողմնակի-թաքնված պատմություն»</p> <p>«Տեքստային աշխատանք»</p>

<p>Իմաստի ընկալման փուլ</p> <p>35-րուպե</p>	<p>ընդգրկելով տարբեր առաջադիմություն ունեցող երեխաների:</p> <p>Աշխատում են թիմով, գրի են առնում իրենց հատվածից գլխավոր</p> <p>Լսում են դիմացինին առանց ընդհատելու և դրսևորում են հարգալից վերաբերմունք:</p> <p>Վերլուծում են տվյալ հատվածը, կարծիք են գրում ընդհանուր հատվածի մասին, գտնում և վերլուծում են պատճառահետևանքային կապը:</p>	<p>Շրջում է թիմերում, հետևում աշխատանքներին, լսում կարծիքներ: Խրախուսում է տարակարծությունները և սեփական կարծիքը պաշտպանելու միտումը:</p>	<p>Ստեղծագործությունը կարդալիս ի՞նչ էք պատկերացնում:</p> <p>Հատվածում կիրառված պատկերավորման միջոցները ինչպիսի՞ զգացողություն են առաջացնում:</p>	<p>«Մտածի՛ր, գույգվի՛ր, քննարկի՛ր»,</p>
<p>Գնահատում 3-րուպե</p> <p>Տևային աշխատանք</p> <p>Անդրադարձ</p>	<p>Գրում են շարադրություն 15 նախադասությունների սահմանում «Իմ գործողությունները կախված են/կախված չեն հասարակության կարծիքից» վերնագրով:</p>	<p>Ձևավորող գնահատում</p>	<p>Քեզ համար անհասկանալի ի՞նչ ձևակերպումների հանդիպեցիր:</p> <p>Ի՞նչ եղավ: Ի՞նչ էի մտածում: Ի՞նչ կուզեի, որ լիներ: Ի՞նչն էր սխալ:</p>	<p>«Քառաբաժան»</p>

Փոխանորեն _____

Դասապլան -2

Առարկա՝	գրականություն	Ամսաթիվ	13/12/2022	Կիսամյակ	1-ին	Դասարան	8
Թեմա՝	Շիրվանզադե «Արտիստը»						
Օգտագործվող նյութեր	Շիրվանզադեի դիմանկարը, դասագիրք, կավիճ, գրատախտակ,						
Ամբողջական նպատակներ	Նախորդ դասերից մեկի ժամանակ կիրառել եմ «Գլխավոր-կողմնակի-թաքնված պատմություն» մեթոդը: Այս դասաժամին նույնպես կկիրառեմ, արդյունավետությունը ամրագրելու նպատակով:						
Դասի նպատակը	<p>Առարկայական</p> <ol style="list-style-type: none"> Արտահայտիչ, վարժ կարողալ տեքստը, պահպանի հայերենին հատուկ արտասանությունը, շեշտադրումը, արտահայտչականությունը: Ձևավորի վերլուծելու և եզրահանգումներ անելու կարողություն՝ հիմնավորելով այն տեքստով Գնահատի գործողությունները որպես մարդու հույզերը և զգացումներն արտահայտելու միջոց: Ստեղծագործաբար փոխի ստեղծագործության ընթացքը կարողանա ներկայացնել կատարած աշխատանքը <p>Կարողություն</p> <ol style="list-style-type: none"> Գեղագիտական ճաշակի զարգացում: Երևակայության զարգացում: Դրսևորել պատկերավոր մտածողություն և երևակայություն: <p>Սովորողի դիրքորոշում</p> <p>Կարևորի մայրենի լեզվի դերը սեփական հույզերը, ապրումները, մտքերը գրագետ և շրջապատին հասկանալի ձևակերպելու գործում</p>						
Ուսուցանման արդյունքներ, որոնք կփաստեն, որ ուսուցումը տեղի ունեցավ							
Վերջնարդյունքները	<p>Աշակերտը կկարողանա</p> <ol style="list-style-type: none"> Վերլուծել հանձնարարված ստեղծագործությունը և եզրահանգումներ անել Բնութագրել հերոսին, ապրումակցել նրան Ներկայացնել ստեղծագործության պատկերավորման միջոցները 						
Գործողություններ (ժամ/տևողություն)	Ուսումնական գործունեություն	Ուսումնական գործունեություն	Հարցադրումներ	Կիրառվող մեթոդ(ներ)			
	<i>Աշակերտներ</i>	<i>Ուսուցիչ</i>					
ՆԱԽԱՊԱՏՐԱՍՏԱԿԱՆ ՓՈԻԼ							
4 րոպե (մուտք, ներկա-բացակա)	Ծանոթանում են դասի ընթացքում իրենց անելիքներին	Ներկայացնում է աշակերտներին դասի նպատակները					

<p>Կշռադատման փուլ</p>	<p>«արտիստ» բառին առնչվող բառեր են ասում</p>	<p>Ստեղծում է աշխատանքային թիմեր</p>	<p>Ի՞նչ գույներ կօգտագործե ս Լևոնին պատկերելիս , հիմնավորիր</p>	<p>«Մտագրոհ»</p>
<p>25 րոպե</p>	<p>Ստեղծագործաբար վերլուծում են ստեղծագործությունը</p> <p>Փոխում են պատմվածքի գործողությունների ընթացքը</p> <p>Թիմում աջակցում են միմյանց</p>	<p>Բաժանում է աշխատանքները, տալիս է համապատասխան առաջադրանքներ</p> <p>Հիշեցնում է թիմով աշխատելու կանոնները</p> <p>Հետևում է աշխատանքի ընթացքին, ուղղորդում է</p>	<p>«Խոսիր-հարցրու-սովորիր»</p>	<p>«Խոսիր-հարցրու-սովորիր»</p>
<p>Փնահատում</p> <p>5 րոպե</p>	<p>Փոխադարձ գնահատում</p>	<p>Տալիս է հայտորոշող հարցադրումներ, նպաստում է անաչառ գնահատմանը</p> <p>Հանձնարարում է գրել նամակ տրված բովանդակության</p>	<p>«Հետադարձ կապի աստիճան»</p>	<p>«Հետադարձ կապի աստիճան»</p>
<p>Տնային աշխատանք</p> <p>3 րոպե</p>		<p>•նամակ Լևոնին (աշակերտի անունից)</p> <p>•նամակ Լուիզային (աշակերտի անունից)</p>	<p>Ի՞նչ նոր բան այսօր իմացաք:</p> <ul style="list-style-type: none"> • Ո՞ր տեղեկություն 	<p>«Ելքի տոմս»</p>

<p>Անդրադարձ 8 րոպե</p>	<p>Լրացնում են Ելքի տոմար.</p>	<p>.սիրած կնոջ նամակը Լևոնին •նամակ.սիրո խոստովանություն</p> <p>Հանձնարարում է լրացնել Ելքի քրտերը</p>	<p>նն էր ավելի հետաքրքիր:</p> <ul style="list-style-type: none"> • Ի՞նչն էր դժվար: • Ի՞նչը խանգարեց աշխատանքին և ինչու?: 	
------------------------------------	--------------------------------	--	--	--

Փոխանորեն՝ _____

ԱՄԱՍԻԻՍԻ ԲԱՌԴՈՂԱՆՆ